



**OFFICIAL PRESS RELEASE**

11 Sune 2015

**Tukuatu 'o e Tohi Fakahinohino ki hono fakafepaki'i hono fe'ave'aki fakapulipuli 'o e pa'anga kaka, pa'anga hiamatea mo e fakapa'anga 'a e ngaahi ngaue fakatautoitoi**

Fakatatau kihe tu'utu'uni 'a e kupu 11A(o) 'oe Lao ki hono Fe'ave'aki Fakapulipuli 'o e Pa'anga Kaka mo e Pa'anga Hiamatea 2010, 'oku tuku atu ai 'e he Pangike Pule Fakafonua 'o Tonga, 'i hono fatongia koe Ma'u Mafai Lipooti Pa'anga, 'a e Tohi Fakahinohino fakatatau ki he ngaahi tu'utu'uni fekau'aki mo hono fakafepaki'i 'o e fe'ave'aki fakapulipuli 'o e pa'anga 'uli moe pa'anga hiamatea mo hono fakapa'anga 'o ngaahi ngaue fakatautoitoi.

Ko e tohi fakahinohino ni ko hono toe fakalelei'i 'oe tohi fakahinohino tatau na'e tuku atu 'i he Ma'u Mafai Lipooti Pa'anga 'i he 2006. 'Oku fakakau ki he tohi ni 'a e ngaahi liliu fakalao na'e fakahoko 'i he 2010 pea mo hono fakakau mai 'o e ngaahi kautaha pe taha faifakatau pa'anga, 'a ia na'e 'ikai fakahoko kimu'a. 'Oku 'oatu aipe foki 'i he tohi fakahinohino ha fakamatala mahino mo lelei ke lava tokoni ki he ngaahi kautaha fakapa'anga mo faifakatau pa'anga 'i hono fokotu'utu'u ha ngaahi founa ngaue 'oku fenapasi mo 'enau ngaue.

Ko e tohi fakahinohino ni 'e kamata ngaue'aki ia 'i he 'aho 'oe fanongonongo ni, 'a ia tene fetongi 'e ia 'a e tohi fakahinohino na'e 'uluaki tufaki atu 'e he Ma'u Mafai Lipooti Pa'anga 'i he 2006.

Fakatatau ki he Lao ki hono Fe'ave'aki Fakapulipuli 'oe Pa'anga Kaka mo e Pa'anga Hiamatea, ko kinautolu 'oku fakahoko ha taha 'o e ngaahi sevesi ni kuopau kenau muimui ki he tohi fakahinohino ni;

- tali 'o ha ngaahi fakahu pa'anga mo ha ngaahi sino'i pa'anga mei he kakai 'oku lava ke toe totongi atu 'o kau ai 'a e totongi malu'i mo'ui mo e ngaahi 'inivesi malu'i felave'i mo ia;
- no atu, kau ai 'a e kuletiti konisiuma, kuletiti ki he mokisi, mo hono fakapa'anga'o e ngaahi ngaue fakapa'anga fakakomesiale; kaungafai (fakafalala pe ta'efalala) mo hono fakapa'anga 'o e ngaahi ngaue fakapa'anga fakakomesiale;
- lisi 'o e pa'anga;
- ngaahi sevesi fe'ave'aki pa'anga;
- tuku atu mo hono pule'i 'o e ngaahi founa ki hono totongi atu 'o e pa'anga ('o hange ko e ngaahi kaati kuletiti, ngaahi sieke folau mo e ngaahi talafi fakapangike);
- kau ki he ngaahi fakapapau mo e ngaahi tuku pau;
- fefakatau'aki ma'ana pe ma'ae kau kasitoma 'i he maketi pa'anga 'o e ngaahi me'angaue ('o hange ko e ngaahi sieke, ngaahi tohi mo'ua, ngaahi tohi fakamo'oni fakahu pa'anga), fetongi pa'anga muli, ngaahi 'inasi pa'anga mo e ngaahi fili, ngaahi me'angaue ki he fakafetongi pa'anga mo e tu'unga totongi tupu, mo e ngaahi malu'i 'oku ala liliu;
- hono tufa 'o e 'inasi mo kau 'i he ngaahi tufa ko ia';
- 'oatu ha fale'i ki he ngaahi tukupa ki he fa'unga 'o e sino'i pa'anga, faingamalie fakangaue'anga mo e ngaahi me'a mahu'inga felave'i mo ia, pea ke fale'i mo 'oatu ha ngaahi sevesi fekau'aki mo e fakataha'i mo e fakatau mai 'o e ngaahi tukupa;
- fakatau pa'anga;
- pule'i mo fale'i fakapotungaue;
- tauhi mo pule'i 'a e ngaahi malu'i;
- 'oatu ha ngaahi sevesi fakamatala kuletiti;

- 'oatu ha ngaahi sevesi ki he tauhi malu;
- taha 'oku ne fakahoko ha pisinisi 'a ha taha malu'i, taha malu'i tu'u vaha'a, taha faifakatau malu'i pe ko ha taha fakatau 'inasi;
- taha 'oku ne fakahoko ha pisinisi faifakatau maka koula, tuku atu, fakatau atu pe fakatau mai 'o ha ngaahi sieke folau, ngaahi 'ota pa'anga pe ko ha ngaahi tohi tatau mo ia, pe ko hono tanaki tauhi mo tufaki 'o e pa'anga ko ha kongia ia 'o ha pisinisi sevesi totongi vahenga;
- taha fakalele fale faiva fakakai, kasino pe ko ha lulu kau kiai moe kasino 'i he 'initaneti;
- ki ha talasiti, pe ko ha pule 'o ha 'iuniti talasiti pe fakahoko 'o ha ngaahi ngaue ma ha'a pisinisi;
- ngaue fakafofonga ki he fakatau kelekele pe 'api
- ngaue ki he fakafetongi ukamea mahu'inga, maka koloa pe ha fa'ahinga koloa mahu'inga ma'olunga; pe
- loa pe tauhi tohi 'oku ne pule'i ha pa'anga pe fakahoko ha ngaue fakapa'anga ma 'a ha taha kehe.

Ko e tatau 'o e tohi fakahinohino ni 'e ma'u atu ia mei he Pangike Pule Fakafonua 'o Tonga pe ko ho 'a'ahi ki he peesi 'initaneti 'oku ha atu 'i lalo. 'Oku faingamalie pe 'a e Ma'u Mafai Lipooti Pa'anga ke fakahoko ha ako ki he ngaahi kautaha fakapa'anga mo faifakatau pa'anga fekau'aki moe tohi fakahinohino ni.

Ki ha ngaahi faka'eke'eke kataki 'o fakafetu'utaki ki he:

Ma'u Mafai Lipooti Pa'anga

Pangike Pule Fakafonua 'o Tonga

Telefoni: (676) 24-057

Fekisimeili: (676) 24 201

Meili 'Elekitolonika: [nrbt@reservebank.to](mailto:nrbt@reservebank.to)

Peesi 'Initaneti: [www.reservebank.to](http://www.reservebank.to)